

Муй туп ат нанг
ватсан куняр самем,
манылысан каман
арсыр ят.
Муен сита аршак -
атмен, ямен,
матты наянг хатал,
сялта - ат.

Муйкем амат,
каши акатсан нанг,
Исиматты утна
улты тув.
Ертал - лонсял
тал - лунг акатталан
ултал элты
ласькам - тасянг мувн.

Вотся ма туп
си вер уятлэм ки,
ма хосяем самем
оккел ус.
Тухал ишна хишсэм
лувел, лэнгки,
ма сиремна юшал
ат туп тус.

Мортанг кутна,
ат хулатман лувел,
налтылысэм ситы
самем ма -
няр ик сэмна холлас
кашанг мувел,
хувлылыяс
ура лыпемна.

Ма туп хоши пела
вер ат тайман,
поткилысэм,
улы иты, сувн.

Мосты отал элты
елшак пайтман.
Ат туп сохнас
мосты отэм рувл.

Улапсаем - юшем
ситы тувман,
вантасыты яма
лытсам ма.
Сикуш самем
си със шакнас,
увман,
кашанг нюлмал
ялпа шумалман.

Муй ин сялта
си сир элты тыяс.
муй мосятсам?
Атам, мосанг, ям?
Алангшак туп
нета оха рьяс,
Ай верн - ун верн
хошемиял сам.

Самем пела
нопсэм кашанг
хатал
лытлам -
ат куш лытлам
керлал век.
Матты самем
шукасиям ятал
ехлы уллы,
си със нумман шек.

Муй вертыя?
Хой ма сутарлалам?
Улапсаив хося
олнгал ул.
Кашанг ятэн таял
ям па атам,
Ат туп мохты
моштэмалэн тулн...